

Si fussi un cardidduzzu

Mi chiamu Cardella, ma mi
chiàmanu puru Cardidduzzu.
Si fussi veramenti
un cardidduzzu,
vulissi vulari
dintra lu to cori.

Taliari si c'è postu pi mia.
Mi mittissi n'angulinu
e cci stàssi pi sempri.
Accussì respirassi
cu lu to cori e l'aria
nsemi a tia.

Ogni tantu m'affacciassi
pi vèdiri l'amici chi d'cinu
ca nun mi vèdinu cchiù ngiru.
Po mi nni trasissi arrè,
pirchè nni lu to cori
c'è lu veru amuri.

Nun mi mporta
chiddu chi succedi fora,
l'impurtanti è
ca iu staiu cu tia,
pi ora, pi dopu
e pi sempri.

2023 Giuseppe Cardella